



ՀԱՄԱԶԳԱՅԻՆ
ՀԱՅ ԿՐԹԱԿԱՆ ԵՎ
ՄՇԱԿՈՒԹԱՅԻՆ
ՄԻՈՒԹՅՈՒՆ



Ն. ԱՔՈՎՅԱՆԻ ԱՆԿԱՆ
ՀԱՅԿԱԿԱՆ ՊԵՏԱԿԱՆ
ՄԱՆԿԱԿԱՐԺԱԿԱՆ
ՀԱՄԱԼՍՍՈՐԱՆ



ՀԱՅ ՀԱՍԱՐԱԿԱԿԱՆ-ՔԱՂԱՔԱԿԱՆ ՄԻՏՔԸ

19-րդ դարի վերջին
և 20-րդ դարի առաջին կեսին.

ՊԱՏՄՈՒԹՅՈՒՆ և ԱՐԴԻԱԿԱՆՈՒԹՅՈՒՆ

ԳԻՏԱԺՈՂՈՎԻ ՆՅՈՒԹԵՐԻ ԺՈՂՈՎԱԾՈՒ

Բանասիրական գիտությունների դոկտոր

ՆԱՅ ԲԱՂԱՔԱԿԱՆ ՄՏՔԻ ՎԵՐՋԻՆ ԹՈՒՂՔԸ՝ ՃԻՉ ԱԳՎԱՅԻՆԻՅ ՊԵՏԱԿԱՆ ՄՏԱԾՈՂՈՒԹԵԱՆ ԱՆՑՆԵԼՈՒ, 1918-1920թթ.*

19-րդ դարի Հայոց Ջարթօնքի արդիւնքում հայութիւնը կրօնական համայնքից ազգային փոխուեց, ներշնչուեց ազգային գիտակցութեամբ, որ պիտի տանէր ազատատենչութեան՝ դառնալու մեկնակէտը քաղաքական նպատակների, Հայկական Հարցի ու պահանջատիրութեան ձեւաւորան: Շարժումը զանազան ուղղութիւններով եւ ազդեցութիւններով յառաջացաւ, դարձաւ գաղափարախօսութիւն, դարձաւ գործ, դարձաւ պայքար՝ թէ՛ խաղաղ (քաղաքական / դիւանագիտական) եւ թէ՛ զինեալ (ինքնապաշտպանական / ֆիդայական):

Ընդհանրացման գնով կարելի է ասել, որ այս ճանապարհին ռուսահայ մտաւորականութիւնը իր մաքառումների մէջ յոյսը անջիղ ու անտարբեր հոգեւորականութեան եւ բուր-

* Այս յօդուածը համառօտ տարբերակն է գիտաժողովի առիթով պատրաստուած աւելի ծաւալուն աշխատութեան, որը յրկուելուց յետոյ պիտի տեղադրուի հեղինակի կայքէջում:

ժուազիայի օգնության վրայ էր դրել: Իսկ թրքահայ մտաւորականութիւնը ուժը կենտրոնացրել էր մշակութային վերելքի ապահովման, կրթութեան եւ լուսաւորութեան վրայ: Այս երկու ճամբաները Միքայէլ Նալբանդեանի ու Րաֆֆու գովերգած «հայրենի հողի» հարցին լուծում պիտի բերէի՞ն: Հազիւ թէ:

Բեռլինի վեհաժողովի (1878) այսպէս կոչուած հայանպաստ որոշումները կարճատեւ ոգեւորութեան առիթ դարձան: Սակայն, որոշումները գործադրութեան չանցած, դէմ առան Սուլթան Համիդի հակազդեցութիւններին՝ բռնութիւն, հալածանք ու կոտորած: Ծածուկ տարւում էր Թրքահայաստանը հայերից դատարկելու, Արեւելեան Հարցից ազատելու օսմանեան քաղաքականութիւնը: Բայց, հակառակ ազդեցութեամբ այդ քաղաքականութիւնը պիտի խթանէր Խրիմեան Հայրիկի «երկաթէ շերեփի» գաղափարի ընկալումն ու իւրացումը: Ինքնապաշտպանութիւնն ու հայրենիքի ազատագրումը միայն կարելի էր գէնքի ուժով ապահովել: Կրթամշակութային զարգացումը բաւարար չէր: Ճամբան զինեալ պայքարն էր, մինչեւ ապստամբութիւն, յեղափոխութիւն: Իսկ դրա օրինակները տալիս էին Օսմանեան կայսրութեան բռնապետական լծից ազատուելու պայքարի մէջ մտած եւ յաջողած եւրոպական փոքր ժողովուրդները:

Բայց, ինչո՞ւ միայն Թրքահայաստանի եւ ո՛չ Ռուսահայաստանի ազատագրում: Նախ, որովհետեւ սահմանափակ ուժերով կարելի չէր երկու ճակատի վրայ աշխատել. բացի այդ, ցարական մենատիրութիւնը ռուսահայութեանը տուել էր քաղաքական-մշակութային-կրթական որոշ ազատութիւններ եւ անհատական զարգացման կարելիութիւն: Յեղաշրջման անհրաժեշտութիւն չկար եւ, ի տարբերութիւն թրքահայութեան, նրա գլխին գոնէ ֆիզիքական բնաջնջումի վտանգը կախում չէր: Հայը Ռուսահայաստանում ապրում էր քաղաքականապէս ռուսացած: Ազատագրման մղումը եւ յեղափոխութեան մէջ մասնակցութիւնը յետոյ պիտի առաջանար, նախ՝ ինքնապաշտպանութեան նպատակով (ՀՅԴ Ընդի. ժողով, 1904), յետոյ՝ անմիջական մասնակցութեամբ (ՀՅԴաշ-

նակցութիւն, «Նախագիծ Կովկասեան Գործունէութեան», 1905)¹, երբ Ռուսաստանը յեղափոխական շարժումների բեմ էր դարձել:

Կովկասեան նախագիծը անկիւնադարձ էր: Առաջին անգամ դրոււմ էր Անդրկովկասում ռուսահայութեան քաղաքական միաւոր դառնալու հարցը՝ դաշնակցային կապով Ռուսաստանին կապուած: Նոյն ձեւաչափով՝ Թրքահայաստանը Օսմանեան պետութեան կապուած (ՀՅԴ Ընդհ. Ժողով 1907): Անկախ պետականութեան մասին դեռ խօսք չկար եւ գուցէ ո՛չ էլ պատկերացում: Ի հարկէ, հայ հարուստները, ամիրա, առետրական, ազնուական, բուրժուա, հեռու մնացին գործից, զլացան անհրաժեշտ նիւթականը ապահովել, առանց որի գործը, «Սուրբ Գործ»ը զրկուեց անհրաժեշտ յենարանից:

Ճամբան գծուած էր, լայն գործունէութիւն ծաւալուած, երբ պայթեց Առաջին աշխարհամարտը, որի շղարշի տակ՝ Հայոց Ցեղասպանութիւնը: Արդիւնքը վիթխարի բեկում էր հայ ժողովրդի պատմութեան ընթացքի, ուրեմն, եւ զարգացման յարացոյցի մէջ:

Թէ պատմութիւնը ի՞նչ ընթացք կունենար, եթէ շարունակուէր նախապատերազմեան գործընթացը: Հայոց ազատագրական պայքարը կը կարողանա՞ր Հայաստանի անկախութեան հասնել:

1 ՀՅԴաշնակցութիւն, «Նախագիծ Կովկասեան Գործունէութեան» (ժընեւ, Տպարան ՀՅԴաշնակցութեան, 1906, Երկրորդ հրատարակութիւն): Կարելի է կարդալ առցանց՝ https://www.arfd.am/library/44368/?fbclid=IwAR3WZcem_v8thVZ-jhwFODMJq-qj3j8qysBAN8AB-4M4khAk65cX05nMjEE

Տես նաեւ Միքայէլ Վարանդեան, «Հայրենիքի գաղափարը» (ժընեւ, Տպարան ՀՅԴաշնակցութեան, 1904), ուր նկարագրուում է ցարիզմի ռուսականացումն ու կովկասահայութեան կամաւոր ուժացումը: Աշխատութիւնը կարծես նախերգանքն է Կովկասեան Նախագծի: Կարելի է կարդալ առցանց՝ https://haygirk.nla.am/upload/1512-1940/1901-1940/hayreniqigagh_1904.pdf

Մասնակցություն պատերազմին, ռազմական փորձի ձեռքբերում

Հակառակ Սահմանադրական յեղաշրջումից առաջ սկսած ՀՅԴ-երի տնտեսական համագործակցության եւ խոստացած հայանպաստ բարենորոգումների, երիտթուրք իշխանությունները հետզհետեւ փոխեցին ոչ իսլամ ազգային փորձառամասնությունների իրենց քաղաքականությունը եւ ի գործ դրեցին երկրի շեշտումը օսմանականացումը, որին պիտի յաջորդէր թրքացումը՝ «Թուրքիան թուրքերի համար միայն» կարգախօսով։ Թրքահայության գոյակցությունը արդէն գրգռուած թրքության մէջ խիստ վտանգաւոր էր։ Օսմանեան կայսրութիւնը Գերմանիոյ կողքին պատերազմի մէջ էր մտել ընդդէմ ռազմականացումների։ Զնշուել էր բարենորոգումների ծրագիրը։ Երկիրը կտրուել էր դրսի աշխարհից եւ առիթ ընծայել կառավարութեանը իրագործելու կայսրութեան հայաթափումը՝ տեղահանութիւն, կոտորած, երեխաների բռնի տեղահանում եւ թրքացում, որ երեք տասնամեակ յետոյ ցեղասպանութիւն պիտի որակուէր։

Թուրք-ռուսական հակամարտութիւնը ռազմադաշտ էր մտել։ Առաջանում էր ցարական բանակը եւ հայ կամաւորական խմբերը նրա առջեւ։ Սիմոն Վրացեանը վկայում է, որ կամաւորական շարժման քաղաքական բնաբանն էր «Ինքնավարութիւն վեց վիլայէթների եւ նրանց անբաժան մաս՝ Կիլիկիայի՝ Ռուսաստանի հզօր հովանաւորութեան տակ»։² Հայ ղեկավարութեան նպատակն էր զինուած ուժեր ունենալ ռուս-թրքական ռազմաճակատներում՝ հայերին պաշտպանելու, գուցէ նաեւ կոտորածները կասեցնելու։ Վրացեանի վկայութեամբ՝ «Պատերազմի սկզբին հայկական շրջանակներում տիրում էր ընդհանուր համոզում, այն

2. Վրացեան Սիմոն, «Հայաստանի Հանրապետութիւն», 3-րդ տպագրութիւն, Թեհրան, տպարան Ալիք, 1982, էջ 10:

է թէ՛ մի քանի ամսուայ մէջ ռուսները կը գրաւեն Վանն ու Էրզրումը եւ հայկական շրջանները կ'ազատուեն թիւրքական լծից»:³ Ղա տեղի չունեցաւ: Ուրիշ էր ռուսի քաղաքականութիւնը՝ յար եւ նման երիտթուրքերի: Բարձր Պաշտ Ծարական կայսրութեան դեսպան Ալեքսէյ Լոբանով-Ռոստովսկին վաղուց, 1895-1896-ին, բացայայտել էր Ռուսաստանի ցանկութիւնը՝ ունենալ «Հայաստանը առանց հայերի»: Հայաթափումը կատարուում էր, բայց թուրքի ձեռքով: 1916-ին արդէն Թրքահայաստանը դատարկուած էր հայերից: Կամաւորական խմբերը այլեւս պէտք չէին ռուսներին եւ կազմալուծուեցին:

Այս բացասական ազդակների կողքին սակայն անժխտելի է պատերազմի ընթացքում հայ երիտասարդութեան ձեռք բերած ռազմական փորձը: Ըստ Սիմոն Վրացեանի, դաշնակից պետութիւնների բոլոր բանակներում մասնակցած հայ զինուորների թիւը գումարած կամաւորական խմբերի 300.000-ի է մօտենում:⁴ Հայ ժողովուրդը իր բաժին մասնակցութիւնն էր բերել պատերազմին: Իսկ Նիկոլ Աղբալեանի բառերով, հայը կարողացել էր «մի իրաւունք, մի հիմք ձեռք բերել Ղաշնակիցների համաշխարհային այս յաղթանակի օրերին, իբրեւ այդ մեծ յաղթանակի աջակցողներ՝ փոքրիկ դաշնակիցներ»:⁵

1917թ. մարտին Համառուսական յեղաշրջումը հայ ժողովրդին նոր իրադրութիւն էր պարտադրում՝ նոր յոյսեր, նոր մտահոգութիւններ եւ նոր ծրագիրներ մշակելու անհրաժեշտութիւն. դրանց շարքում՝ Արեւմտահայոց Համագումարը, մայիս 2-11, Երեւանում, Լեւոն Շանթի եւ Արամ Մանուկեանի նախագահութեամբ, այդտեղ ընտրուած Արեւմտահայ Բիւ-

3. Նոյն տեղում, էջ 11:

4. Նոյն տեղում, էջ 16:

5. Մէջբերուած է ՀՅԴ 9-րդ Ընդհանուր ժողովին արտասանած Նիկոլ Աղբալեանի բացման խօսքից: Տե՛ս՝ «Յառաջ», Երեւան, 2, 4 Հոկտեմբեր 1919, Ա. Տարի, Թիւ 10, 12:

րո, որի նախագահ Վահան Փափագեանի բառերով «հետգիտէ իր ձեռքը ամփոփեց բովանդակ թիւրքահայութեան հանրային ղեկավարութիւնը եւ դարձաւ տեսակ մը ժամանակաւոր կառավարութիւն»⁶, Վրացեանը այն անուանում է «արտահողային պետութիւն»⁷ Ահա, պետական մտածողութեան առաջին կայծը Երեւանից: Ապա, սեպտեմբերին թիֆլիսում «Ազգային խորհրդաժողով»՝ Օզակոնի⁸ գործունէութիւնը քննարկելու, որ անբաւարար էր, մանաւանդ՝ հայկական հարցերի իմաստով: Թոյլ էր հայերի ներկայացուցչութիւնը յանձին ռուս կաղետ կուսակցութեան անդամ՝ Միքայէլ Պապաջանեանի, որ հայկականութիւնից ու հայութիւնից հեռու անձ էր: Օզակոնը իր վրացի, թաթար եւ հայ ներկայացուցիչներով, մրցակցութեան դաշտի էր վերածուած՝ իւրաքանչիւրը իր ազգի համար աւելի մեծ բաժին խլելու: Անդրկովկասի քաղաքական արեւելման վրայ տիրական էր վրացի մենշեւիկների տեսլականը եւ թաթարների ուժը: Նիկոլ Աղբալեանի կարծիքով, հայ ժողովրդի պահանջները թոյլ հիմքեր ունէին ոչ այնքան Պապաջանեանի թուլութեան եւ անտեղեկութեան պատճառով, որքան «հայի ինքնազգացման թուլութիւնից»⁹: Նրա կարծիքով, ի տարբերութիւն վրացու եւ թուրք-թաթարի, հայը պատմութեան մէջ աւելի իշխուողի իրավիճակում էր եղել քան իշխողի, եւ այդ հոգեբանութիւնը իր դրոշմն էր դրել հայի աշխարհընկալման վրայ: Պատճառ էր նաեւ հայ ժողովրդի ցրուածութիւնը: Հայը իր իսկ հողի վրայ միատարր չէր եղել ու միշտ շրջապատուած օտար, իրենից աւելի ուժեղ, իշխող ու կեղեքող տարրերով: Իսկ Ցարական կամ Օսմանեան կայսրութիւններում քաղա-

6. Փափագեան Վահան, «Իմ Յուշերը», հատոր երկրորդ, Պէյրուք, Համազգային Ընկերութեան տպարան, 1952, էջ 440:

7. Վրացեան Ս. «Հայաստանի Հանրապետութիւն», էջ 30:

8. Կովկասեան Յատուկ Կոմիտէ, Պետերգբուրգում կազմուած ժամանակաւոր Կառավարութեան կողմից նշանակուած:

9. Վրացեան Ս. «Հայաստանի Հանրապետութիւն», էջ 42:

քական հաշիւներով միշտ արգիլուել էր հայերի կենտրոնացումը հայաբնակ տեղամասերում: Վերջապէս, հայը կիսով կոտորակուած, դեռ իր հոգու վրայ կրում էր անբուժելի վերքը՝ գաղթականների խեղճ ու ողորմելի տեսքով ներկայացնում:

«Ազգային խորհրդածողով»ը իրեն վերապահելով օրէնսդիր մարմնի դերը իր աւարտին հասաւ հոկտեմբեր 9-ին՝ գործադիր մարմնի ընտրութեամբ, որ անուանուեց «Հայոց Ազգային խորհուրդ»՝ նախագահութեամբ Աւետիս Ահարոնեանի: Մինչեւ անկախ Հայաստանի կառավարութեան ձեւաւորումը (1917թ. հոկտեմբերից 1918թ. օգոստոս 1) այդ մարմինը արեւելահայութեան կառավարութեան դերը կատարեց: Բայց, ի տարբերութիւն Արեւմտեան Բիւրօյի, որ լծուած էր Թրքահայաստանի ռուս զօրքերի գրաւեալ մասում ինքնավարութեան պահանջների եւ վարչական հարցերի ձեւաւերպման աշխատանքներին, Ազգային խորհրդի քաղաքական արեւելումը մնում էր համառուսական, մի մասը նրա պետական կառոյցի եւ սպասում էր Սահմանադիր ժողովին, որ պիտի երկրի վարչաձեւը որոշէր:

Մէկ անգամ եւս մօտ էր թւում ազատութիւնը: Սակայն, բոլշեւիկեան յեղափոխութիւնը՝ 1917 հոկտեմբեր-նոյեմբերին, Համառուսական Սահմանադիր ժողովի լուծարումը (1918 յունուար), ռուս-թրքական ռազմաճակատների փլուզումը, Բրեստ Լիտովսկի համաձայնագիրը, այդ յոյսն էլ ջախջախեցին: Վերակազմուած եւ աշխուժացած թուրք բանակի նորանոր գրաւումների պայմաններում մոռացուեց ինքնավարութեան հարցը Թրքահայաստանի, որ արդէն երկրորդ անգամ էր հայաթափուել:

Նոր պայմաններ, դէպի անկախ պետականութիւն

1917-ի բոլշեւիկեան յեղաշրջումից յետոյ, Օգակոմին փոխարինեց Կոմիսարիատը, օրէնսդիր մարմին ունենալով

Սէյմը, որ 1918-ի ապրիլ 9-ին (նոր տոմարով 22)¹⁰ թուրք բանակի առաջխաղացքը կասեցնելու եւ բանակցութիւնները շարունակելու համար, Անդրկովկասը յայտարարեց անկախ դաշնակցային պետութիւն: Կովկասեան այս պատերազմում վրացիները որոշ հողային կորուստներից յետոյ խոյս էին տուել, իսկ մահմեդականները երբեք չմասնակցեցին թուրքերի դէմ մղուած պատերազմին: Հայերը միայնակ պիտի պաշտպանէին Անդրկովկասի հայ բնակչութիւնը:

Ուազմաճակատներում ձգնաժամ էր, իսկ դաշնակիցները անտարբեր էին եւ նոյնիսկ բացասական վերաբերմունք էին ցոյց տալիս: Վրացիներն ու թաթարները բացայայտ եւ գաղտնի հովանաւոր էին փնտրում: Մայիս 15-ին թուրք բանակը սկսեց ռմբակոծել Ալեքսանդրապոլը: Հայկական շրջանները ամէն կողմից յարձակման տակ էին: Թուրք բանակին դիմադրելու, թաթար խռովութիւնները սաստելու, հայ բոլշեւիկ տարրերի հրահրած անկարգութիւններին դէմ դնելու համար միակ մարմինը Երեւանի Ազգային Խորհուրդն էր, որ 1917-ի դեկտեմբերից Արամ Մանուկեանի Երեւան գործուղուելուց յետոյ տէր էր դարձել իրավիճակին: 1918-ի մարտին, անկառավարելի իրավիճակը դիմագրաւելու համար, Երեւանի Ազգային Խորհուրդը Արամին նշանակել էր դիկտատոր՝ զանազան բնագաւառների վարիչներով, նրանց մէջ Երեւան նահանգի գինուորական կոմիսար Դրօն: Սա իրականութեան մէջ Արարատեան դաշտի առաջին կառավարութիւնն էր:

Անակընկալ էր Վրաստանի անկախութեան յայտարարութիւնը (մայիս 26, 1918): Հայ ղեկավարութիւնը շփոթի էր մատնուել: Նոյն օրը գումարուած Ազգային Խորհրդի ժողովը փոխանակ անել վիճակից դուրս գալու համար ձամբայ փնտրելու, պախարակում էր վրաց ղեկավարներին՝ առանց

10. 1918թ. յունուարի 31-ին Ռուսաստանը նոր տոմարին անցաւ՝ 13 օր յաւելելով: Այդ թուից յետոյ այս յօդուածում նշուած թուականները նոր տոմարով են:

հայութեան համար մտածելու նման քայլ առնելու ու դաւաճան անուանում նրանց: Նոյն գիշեր գումարուած ՀՅԴաշնակցութեան Թիֆլիսի ներկայացուցչական ժողովը եւ թաղային կոմիտեների արտակարգ նիստը աւելի վճռական էր: Ժողովից բխած «Հայոց Ազգային Խորհրդին կառավարական ֆունկցիաներ տալու մասին» կոչուած բանաձեւը փաստագրում է այդ քայլը, «Նկատի ունենալով այն, որ Անդրկովկասեան Սէյմի ինքնացրումից եւ Վրաստանի անկախութիւն յայտարարելուց յետոյ լուծուելու է Անդրկովկասեան կառավարութիւնը, եւ հայ ժողովուրդը մնալու է բախտի բերմունքին ...գտնում է անհրաժեշտ, որ Հայոց Ազգային Խորհուրդը, ուժեղացնելով իր կազմը, անցնի գործելու հայութեան կենտրոնում, ստանձնելով կառավարական ֆունկցիաները...»: ¹¹ Դրան հետեւում է 1918, մայիս 30-ի յայտարարութիւնը «Հայաստանի անկախութեան հռչակման մասին», ուր Ազգային Խորհուրդը «Ժամանակաւորապէս» ինքն իրեն յայտարարում է «հայկական գաւառների գերագոյն եւ միակ իշխանութիւն»: ¹² Երկուսի մէջ էլ, ի տարբերութիւն Վրաստանի եւ Ադրբէջանի անկախութեան յայտարարութիւնների, բացակայում են անկախութիւն եւ հանրապետութիւն բառերը: Մտավախութիւնը երեւի բխում էր նրանից, որ Հայաստանը միայնակ, առանց հովանաւորի, կարող էր անմիջապէս թուրքի թիրախ դառնալ: Չանց առնենք հոգեբանական ազդակները:

Առաջին խարխափումներից եւ անորոշութիւնից յետոյ, սակայն, հայ քաղաքական ղեկավարութիւնը կառչեց ստեղծուած առիթին, եւ այդտեղ տեղի ունեցաւ հայ քաղաքական մտքի զարգացման մեծ թռիչքը դէպի անկախ պետականու-

11. «Հայաստանի Հանրապետութիւնը 1918-1920թթ. (Քաղաքական պատմութիւն)», Փաստաթղթերի եւ նյութերի ժողովածու», (այսուհետ «Քաղաքական պատմութիւն»), Երևան, ԳԱԱ «Գիտութիւն» հրատ., 2000, փաստաթուղթ 10, էջ 17: Յղում է կատարուած Ս. Վրացեան «Հայաստանի Հանրապետութիւն», Փարիզ, 1928, էջ 130-131:

12. Նոյն տեղում, փաստաթուղթ 12, էջ 18:

թին, որ յաջորդ հանգրուանն էր մէկ դար մտաւորական դեգերումների, կրթական ու քաղաքական գործունէութեան:

Ազգային անկախ պետութիւն, հայ քաղաքական մտքի զարգացման զենիթ

Ազգային պետութիւնը, եթէ բխում է ժողովրդի կամքից ու ծառայում է իր ժողովրդի զանգուածային շահերին, պիտի նպատակադրի ամրագրել երկրի սահմանները եւ դերն ու դիրքը համաշխարհային, համամարդկային մեծ ընտանիքում: Պէտք է հայթայթի եւ ապահովի իր քաղաքացիների մշակութային ստեղծագործութեան հնարաւորութիւնը, կրթական համակարգի զարգացումը, լեզուի մշակումը, հաղորդակցութեան մէջ մտնի ուրիշ ազգերի հետ, փոխ առնի լաւը, մերի, ազգայնացնի եւ այն կիրարկի ի շահ իր ժողովրդի: Սա վերիվարոյ ժողովրդավարական սկզբունքներն են, որոնց իրացման ճիգերին «անծել քաօսից» պետականութեան կառուցմանը ականատես ենք Հայաստանի անկախ պետութեան կարճ կեանքում:

Երեւանում, Օգոստոս 1-ին, Հայաստանի Խորհուրդի կամ Խորհրդարանի հանդիսաւոր բացմանը որպէս աւագագոյն պատգամաւոր ժամանակաւոր նախագահ ընտրուած Աւետիք Սահակեանը (Հայր Աբրահամ) իր բացման խօսքում գումարուած Ազգային Խորհուրդը յայտարարում է իբրեւ միակ լիազօր մարմինը՝ Հայաստանի հանրապետութեան պետական իշխանութիւնը իր մէջ ամփոփող:¹³ Նրա խօսքով, «զցուած էր խարիսխը մեր պետական նաւի»: Դրուած էր հիմքը պետական շէնքի՝ «ծգտելով միշտ կատարելագործել նրան ի բարօրութիւն Հայաստանի Հանրապետութեան բոլոր ազգութիւնների իբրեւ զաւակների մէկ հարազատ մայր հայրենիքի»:¹⁴

13. «Քաղաքական պատմութիւն», փաստաթուղթ 32, էջ 54:

14. Նոյն տեղում, էջ 55-56:

Նոյն առիթով վարչապետ Յովհաննէս Քաջազնունու զգացական ճառը հայելին էր երկրում տիրող անյուսալի իրավիճակի՝ սով, համաճարակ, հարիւր հազարաւոր անտուն գաղթականներ, քանդուած տնտեսութիւն, օրէնքի ու ապահովութեան բացակայութիւն: Իսկ յաջորդ օրերին խորհրդարանին առաջադրած կառավարութեան ծրագիրը՝ համեստ, սահմանափակ, առաջին անհրաժեշտութիւն ներկայացնող, համահունչ էր երկրի զերոյական կարողութեան պայմաններին:

Բաւական սուր քննադատութիւններից յետոյ, վերջապէս Ազգային խորհուրդում ներկայացուած կուսակցութիւնները վստահութեան քուէ տուեցին վարչապետ Քաջազնունուն եւ իր վարչակազմին: Այդ քննադատութիւնների ծիրում յատկանշական է սոցիալ-դեմոկրատ ներկայացուցիչներից միակ բոլշեւիկ՝ Արշաւիր Մելիքեանի ելոյթը, որ առիթը օգտագործեց ծաղրելու ազգային անկախութիւն կոչուածը եւ կոչ արեց օր առաջ միանալ Ռուսաստանին:¹⁵

Դաշնակցութեան տիրական դիրքը խորհրդարանում եւ կառավարութեան մէջ դժգոհութեան եւ անհանդուրժողութեան առիթ էր տուել միւս կուսակցութիւններին, որոնք մերժել էին համագործակցել: Իրականութիւնը թելադրում է, սակայն, որ տարիների գործի դաշտում յեղափոխական, քաղաքական եւ վարչական փորձ ամբարած դաշնակցական գործիչները, բնականաբար, պիտի լինէին նաեւ առաջնորդը Հայաստանի անկախութեան նոր պայքարի ճանապարհին:¹⁶

15. Յովհաննիսեան Ռիչըրդ, Armenia on the Road to Independence, Berkeley and Los Angeles, University of California Press, 1967, էջ 213: Յղում է կատարուած Խոնդկարեանի «Արծանագրութիւններ»ին:

16. Դաշնակցութեան վայելած ժողովրդականութեան եւ հայ ժողովրդի մեծամասնութեան վստահութեան մասին է խօսում Ռիչըրդ Յովհաննիսեանը եւ որպէս ապացոյց բերում է Համառուսական սահմանադրական ժողովի ներկայացուցիչների ընտրութեան արդիւնքները Անդրկովկասում՝ Սոցիալ-դեմոկրատ մենշեւիկները՝ 603.934, թաթարների ղեկավար կուսակցութիւն՝ Մուսաաթը՝ 615.816, Դաշնակցութիւնը՝ 558.440, սոցիալիստ-յեղափոխականները՝ 117.522, սոցիալ-դեմոկրատ բոլշեւիկները, որոնք մեծ մասամբ Կովկասում տեղակայուած ռուս զինուորներն էին՝ 93.581: Տե՛ս, Յովհաննիսեան Ռիչըրդ, The Republic of Armenia, Volume I, The First Year, 1918-1919, Berkeley, Los Angeles, and London, University of California Press, 1971, էջ 18-19:

1918-1920 անկախ Հայաստանում

Պետականաշինությունը ձեւաւորուեց երեք գլխաւոր հաստատությունների ճամբով, նկատի ունենալով, որ ազգային անկախ եւ ժողովրդավարական պետութեան օրէնսդիրը կարգւում է պատասխանատու ժողովրդին, վարչակազմը՝ օրէնսդիր մարմնին: Ազատ ընտրությունների կարելիութեան չգոյութեան պատճառով ձեւաւորուած Խորհուրդը կամ պառլամենտը կազմուած էր Թիֆլիսի Ազգային ժողովում ձեռք բերուած համաձայնութեամբ եւ բազմակուսակցական ներկայացուցչութիւն ունէր (մեծ դժուարություններով ու նոյնիսկ արհեստականօրէն կիրարկուած): Ներկայ էին բոլոր կուսակցությունները՝ անկախ իրենց իրական թուից: Խորհուրդին մասնակցում էին նաեւ ազգային փոքրամասնությունները: Համակարգը խորհրդարանական էր, որի ներկայացուցչական բնոյթը եւ բանեցրած ազդեցությունը գործադիրի որոշումների եւ գործունէութեան վրայ լրացնում էր քաղիսիոն կառավարութեան չգոյութեան բացը: Իսկ աշխատանքին վերահասու խորհրդարանական յանձնախմբերին մասնակցում էին տարբեր կուսակցություններ եւ անկուսակցականներ:

Նորակազմ խորհրդարանում բացակայում էր ժողովրդավարութեան մէկ կարեւոր սկզբունքը՝ ազատ ու անկաշկանդ ընտրություններ: Ժամանակի իրականութեան ամենանեղ ծանօթութեամբ կարելի է ասել, որ ազատ ընտրություններ կազմակերպելը անկարելի էր: Դա պիտի իրականանար յաջորդ տարին, 1919-ի յունիսին, որից առաջ, մարտի 31-ին հրատարակուեց «Օրէնք Հայաստանի պառլամենտի ընտրութեան»ը, միանգամայն համապատասխան Հայաստանի պետականութեան ժողովրդավարական հիմունքներին: «ՀՀ պառլամենտի անդամներին ընտրում ազգաբնակչութիւնը, առանց սեռի խտրութեան՝ ընդհանուր հաւասար ընտրական իրաւունքի հիման վրայ, ...որոնց քսան (20) տարին լրանում է ընտրութեան օրը...»:¹⁷ Չկար կրօնական, սեռային եւ ցեղային խտրականութիւն:

17. «Քաղաքական պատմություն», փաստաթուղթ 77, էջ 96:

Ընտրությունները բոլորտեցին սոցիալ-դեմոկրատ բու-
շելիկները: Նրանց համար երկիրը շատ ազգային էր եւ մեծա-
պէս շեղուած Մարքսիզմից, անկախութիւնը անհմաստ էր եւ
ժողովրդի փրկութիւնը օր առաջ Սովետական Ռուսաստանին
միանալն էր: Ժողովրդականները (հայ կադետներից կազ-
մուած) նոյնպէս վերջին վայրկեանին բոլորտեցին ընտրու-
թիւնները: Այնուամենայնիւ, յստակ է, որ այդ կուսակցութիւն-
ները, եթէ նշանակովի կարգադրութեամբ խորհուրդի մաս էին
կազմել, ընտրութիւններում այդ առիթը չէին ունենալու:¹⁸

Այսպէս, ժողովրդավար պետութեան սկզբունքային հա-
մակարգի լիարժէք իրացմանը ձգտեցին իրարայաջորդ իշ-
խանութիւնները: Թէ որքանո՞վ յաջողեցին, պետական են-
թակառոյցների ուսումնասիրութեամբ փորձել եմ պարզել
պատկերը՝ ձեռքբերումներն ու ձախողումները:

Պատերազմի ու կոտորածների արդիւնքում յօշոտուած
Հայաստանում, ամենից դժուարին բնագաւառը երկրի տնտե-
սութեան վերականգնումն էր: Հայաստանի իշխանութեանը
ժառանգութիւն էր հասել քայքայուած, աւերակ դարձած գիւ-
ղատնտեսութիւն, որի համար մեղադրուում էր հենց ինքը իշ-
խանութիւնը, որի ունեցած միջոցները երբեք բաւարար չէին
բնագաւառը բարելաւելու: Այնուամենայնիւ, անհատ առ ան-
հատ յաջորդական վարչակազմերի ծայր աստիճան նուիրուա-
ծութիւնն ու զոհաբերութիւնը (հանգստաւէտ ու բարոր կեանքը
մերժած, աղքատ ժողովրդի ապելակերպի մակարդակին ի-
ջած) գործեց որպէս զէնք՝ ՀՀ պետական մեքենան շարժելու եւ
այն քայլ առ քայլ կատարելագործելու դժուարին պայքարի մէջ:

18. 150.723 քուէների ընհանուր թուից Ղաշնակցութիւնը ստացել էր 131.755 քուէ,
Սոցիալիստ-յեղափոխականները՝ 6413, Հայ ժողովրդական կուսակցութիւնը՝ 758:
Տե՛ս «Քաղաքական պատմութիւն», փաստաթուղթ 99, էջ 113: Այսօր, հետադարձ
հայեացքով, կարելի է տեսնել, որ Ղաշնակցութեան յաղթանակը (ծայների 90% եւ
խորհրդարանական բացարձակ մեծամասնութիւն) երկրի վարչամեքենային զրկեց
առողջ ընդդիմութեան ներկայութիւնից: Խախտուեց ժողովրդավարական մի կարե-
ւոր սկզբունք:

Հետզհետե, աւելի կայուն իրավիճակի ստեղծումը ժողովրդական կուսակցութեանը քաջալերեց կառավարութեան մէջ մտնել: Նրանց վերցրած երեք նախարարութիւններում ֆինանսներ, արդարադատութիւն եւ հանրային կրթութիւն, մշակուեցին նորարար ծրագիրներ: Բայց քուլիսիոն կառավարութիւնը երկար չտևեց: Երկրի տագնապալի վիճակից յուսախաբուած ժողովրդական նախարարները մէկ մէկ զանազան պատճառաբանութեամբ լքեցին Երեւանն ու Թիֆլիս վերադարձան:

Հանրապետութիւնը ապակենտրոն վարչաձեւով օժտելու համար զարկ տրուեց համայնքային ինքնակառավարման. բայց գործին խանգարում էր ցարական իշխանութեան թոյլատրած գողութիւնը, կաշառակերութիւնը, որ չէր պակասում Հայաստանում: Այդ ծիրում, արդարադատութեան հիմները զօրացնելու համար կազմուեցին շրջանային դատարանները (circuit courts), դատաստանական պալատ (palace of justice), ծերակոյտ (որ supreme court-ի դերն ունէր): Առաջադրուեց նաեւ քաղաքացիների մասնակցութիւնը դատավարութիւններին (jury trial).

Լեզուի մշակման գործում նախաձեռնութիւնները ամենուրեք էին: Ռուսախօս բիւրոկրատիան եւ ռուսալեզու գործառույթները պէտք էր հայացնել, պէտք եղած եզրոյթները յօրինել եւ ընդհանրականացնել: Օրինակ, դատական համակարգը հայերէնով վարել: Նման մի իրավիճակում, երբ հայերէնը արհամարիուած էր եւ ռուսերէնի մենատիրութեան ներքոյ խեղճացած ու անգործութեան մատնուած, հաշուարկուած ծրագիր եւ, մանաւանդ, համարձակութիւն էր պէտք հայերէնը պետական լեզու հռչակելը (դեկտեմբեր 26, 1919):¹⁹

Զօրաւոր բանակ ունենալու բաղձանքը միշտ մնաց անիրագործելի: 1917 թիւ սեպտեմբերի Ազգային Խորհրդա-ժողովում որոշուած եւ Պետերգրուդի ժամանակաւոր կա-

19. «Քաղաքական պատմութիւն», փաստաթուղթ 138, էջ 151:

ռավարութեան հաւանութեամբ կազմուած հայոց ազգային գործաւոր (ազգային կորպուս) դարձել էր կորիզը հայկական բանակի, որ ունէր ռուսական կրթութիւն ստացած եւ Առաջին համաշխարհային պատերազմին մասնակցած ուժեղ սպայակոյտ: Այնուամենայնիւ, ռուս զինուորական վարժարաններում դաստիարակուած այժմ Հայաստանի բանակի ղեկավարութիւնը ստանձնած սպայութիւնը, որքան որ դրական երեւոյթ էր անկախ Հայաստանի կեանքում, անխուսափելի էր նրա անհամաձայնութիւնը բանակին միացած ֆիդայական խմբերի կիրառած մեթոդների եւ ռազմավարութեան հետ, որ շատ անգամ արեւմտահայի եւ ռուսահայի հարց էր դառնում: Միւս կողմից, թաթարների եւ վրացիների հետ շարունակական ընդհարումները կլանում էին ու վատնում բանակի մարդոյժն ու կարողականութիւնը:

Պետականաշինութեան անդաստանում Հայաստանը պիտի ինքն իրեն փաստէր կովկասեան տարածաշրջանում եւ անդին ու գտնէր համակեցութեան լաւագոյն պայմանները: Աղբալեանը խօսում է համերաշխութեան մասին, «...որ չի յարուցում անհաւասարակշրութիւն, չի մտցնում կողմերի մեջ դիմազրկում եւ յոխորտանք, նոյնիրաւ համերաշխութեան է ձգտում միշտ Ղաշնակցութիւնը, որի համար սակայն ստիպւած է պայքարել քանի դեռ շրջապատը չի համոզւած թէ գործ ունի նոյնիրաւ մի ժողովրդի հետ»:²⁰ Յարաբերութիւններ հարեւանների հետ որպէս հաւասար հաւասարի եւ ո՛չ թոյլի եւ ուժեղի դիրքերից:

Երկիրը տազնապալի վիճակի մատնուեց 1920թ. մայիս-մեկեան բոլշեւիկ ապստամբութիւնից յետոյ, որը սաստելու ու երկրի ներսում խաղաղութիւնն ու կարգապահութիւնը վերահաստատելու համար, պետական յարուածի ուժգնութեամբ Ղաշնակցութեան Բիւրօն իր ձեռքն առաւ երկրի իշ-

20. Մէջբերուած է ՀՀ 9-րդ Ընդհանուր ժողովին Նիկոլ Աղբալեանի բացման խօսքից: Տե՛ս «Յառաջ», Երեւան, 2, 4 հոկտեմբեր 1919, Ա. տարի, թիւ 10, 12:

խանութիւնը: Դա արդէն ժողովրդավարութեան հակադրութիւն էր. իսկ մահապատժի սահմանումը՝ արագօրէն եւ առանց բարդութիւնների պատժելու իշխանութեան ընդդիմութեան (մայիս 6, 1920) ուղղակի շեղում էր արձանագրում:²¹ Դրան հետեւեց «Ժամանակաւոր օրէնք»ի հաստատումը, ուր սահմանուում էին մահապատժի արժանի յանցագործութիւնները:²²

Բիրօ-կառավարութեան գործունէութիւնը, մանաւանդ՝ թուրք բանակի յառաջացումն ու զօրահաւաքի անյաջողութիւնը աւելի լարեց ընդիմադիրների դժգոհութիւնը: Ժողովրդական կուսակցութիւնը, որ դուրս էր մնացել խորհրդարանից եւ կառավարութիւնից, յուշագիր ներկայացրեց բիրօ-կառավարութեան հրաժարուելու (հոկտեմբեր 31, 1920) եւ երկրի ղեկավարութիւնը յանձնելու «Հայաստանի անկախութիւնը ընդունող բոլոր քաղաքական հոսանքներից, պայմանով որ Ղաշնակցութիւնը լինի փոքրամասնութեան մէջ, եւ վարչապետը լինի ոչ դաշնակցական»:²³

Խոչընդոտներ, կործանարար ազդակներ

Հայոց ժողովրդավարական պետականաշինութեան ընթացքը եւ պետական մտածողութեան արմատաւորումը սահուն ընթացք չունեցաւ: Մեծ էին ծառացած խոչընդոտները ի սկզբանէ:

Նորանկախ Հայաստանի ամբողջ տարածքում թաթարական ճնշիչ ներկայութիւնը եւ շարունակական ապստամբութիւնները քայքայեցին պետական ներուժը:

Հայաստանի սահմանային շրջանները միշտ վտանգուած մնացին, վիճելի տարածքներ յայտարարուեցին ու Հայաս-

21. «Քաղաքական պատմութիւն», փաստաթուղթ 164, էջ 187:

22. Նոյն տեղում, փաստաթուղթ 165, էջ 169:

23. Նոյն տեղում, փաստաթուղթ 278, էջ 323-325:

տանից կտրուեցին քանի որ թէ՛ Վրաստանը եւ թէ՛ Ադրբեջանը, ցարական Ռուսաստանի թողած տնտեսական, ռազմական, վարչական հարուստ ենթակառուցները ժառանգած եւ աշխարհին որպէս ցանկալի դաշնակից-գործակից ներկայացած, իրենց ճնշումներով միշտ խոցելի դիրքում պահեցին Հայաստանին, որ միջազգային ճամբաներից զրկուած (land-locked) միանգամայն կախեալ էր թշնամի հարեւաններից՝ անգամ ամենապարզ հաղորդակցական միջոցների տեսակետից:

Յետոյ, անհամերաշխութիւն եւ անհանդուրժողականութիւն, որ իր առաջին արտայայտութիւնը գտաւ հենց անկախութեան առաջին օրերին: 1918 թ. յունիսի 9-ին Թիֆլիսում, «մի խումբ անկուսակցական հայ գործիչներ» անուան տակ ժողով հրաւիրուեց: Որոշում կայացաւ յանձնարարել Ազգային խորհրդին կազմելու «ժամանակաւոր կառավարութիւն, յանձնելով դորա իրագործումը Հայ ժողովրդական կուսակցութեան, յանձին Միքայէլ Պապաջանեանի»:²⁴

Ժողովրդականներն ու սոցիալիստ-յեղափոխականները այնքան առաջ էին գնացել իրենց պահանջների մէջ, որ երբ Արամ Մանուկեանի Երեւանից յղած վերջնագրի արդիւնքում Քաջազնունու կառավարութիւնը Թիֆլիսից Երեւան փոխադրուել էր պատրաստուում, իրենք պնդում էին, որ գոնէ Ազգային խորհուրդը մնայ Թիֆլիսում: Իրականութեան մէջ, դրանք պատրաստ չէին Թիֆլիսի հանգիստ ու շքեղ կեանքը թողնել եւ Երեւանի պէս խեղճ ու յետամնաց գիւղաքաղաք տեղափոխուել: Ու էր որոշ հայ ղեկավարների քաղաքական մտածողութեան մակարդակը:

Հայաստանից դուրս ապրող արեւմտահայութեան անվտանգութիւնը դէպի Հայաստանի Հանրապետութիւնն ու նրա վարչակազմը կազմակերպուած ուժի վերածուեց Ռամկա-

24. Նոյն տեղում, փաստաթուղթ 23, էջ 46: Փաստաթղթի տակ ստորագրել են Յար. Այվազեանը՝ նախագահ եւ Հ. Համբարձումեանը՝ քարտուղար:

վար-ժողովրդական միացեալ ճակատի կազմութեամբ՝ գլխաւորութեամբ Պօղոս Նուպար փաշայի ու նրա հրաւիրած «Հայ Ազգային Առաջին Համագումար»ի Փարիզում: Հակադաշնակցական եւ պահպանողական միտումներով ղեկավարուող այս հաւաքը մերժում էր Հայաստանի սոցիալիստ եւ դաշնակցականամէտ կառավարութիւնը, մերժում էր իր յորջորջած «Արարատեան Հայաստանը» ընդունել իբրեւ կորիզը Միացեալ Հայաստանի: Պահանջում էր կազմալուծել ՀՀ կառավարութիւնը եւ Փարիզում վերակազմել միացեալ կառավարութիւն, դարձեալ Փարիզում ընտրել միացեալ պատուիրակութիւն՝ Հայաստանը Փարիզի խաղաղութեան վեհաժողովին ներկայացնելու համար: Ի հարկէ, Ահարոնեանը կարողացել էր համոզել ՀՀ վարչապետի յաւակնութիւն ունեցող Պօղոս Նուպարին, որ Միացեալ Հայաստանի կառավարութեան վարչապետը պիտի Հայաստանում ապրի եւ ո՛չ եւրոպաներում:²⁵

Համադրուած եւ փոխհամաձայնեցուած հայկական պահանջների յուշագիրը վերջապէս խաղաղութեան Վեհաժողովին ներկայացուեց փետրուարին Պօղոս Նուպարի եւ Ալեւտիս Ահարոնեանի ստորագրութեամբ:

Յատկանշական նախատեսութեամբ, գուցէ նաեւ ի պատասխան Փարիզում կազմուած համագումարի, 1919-ի փետրուարին Երեւանում կայացաւ Արեւմտահայ երկրորդ համագումարը, որ ճանաչում էր Հայաստանը՝ միացեալ եւ անկախ:²⁶

Արեւմտահայութեան անվստահութիւնն ու վախը փարատելու նպատակով էր, որ ՀՀ մինիստրների խորհուրդը 1919թ. մայիս 27-ին որոշում կայացրեց «Հայաստանի խորհրդի կազմը արեւմտահայերի ներկայացուցիչներով ընդլայնել»:²⁷

25. Մանրամասնութիւնների համար, տես Յովհաննիսեան, The Republic of Armenia, the First Year, էջ 469-471:

26. «Քաղաքական պատմութիւն», փաստաթուղթ 90, էջ 105:

27. Նոյն տեղում, փաստաթուղթ 89, էջ 106:

Իսկ մայիս 28-ին ՀՀ կառավարությունը հռչակեց «Միացեալ Հայաստանի անկախութեան յայտարարման օրը»:²⁸

Միացեալ Անկախ Հայաստանի տեսլականով եւ socialist international կարգախօսներով, սեպտեմբեր 27, 1919, գումարուեց ՀՅԴ 9-րդ ընդհ. ժողովը՝ իր նպատակները վերանայելու եւ բիրեղացնելու եւ որոշ միտումով էլ նաեւ այդ խոչընդոտները հարթելու ճիգով: Ռուսահայաստանի եւ Թուրքահայաստանի ինքնավարութեան հասնելու նպատակին փոխարինում էր Միացեալ Հայաստանի անկախութիւնը:

Խոչընդոտների շարքում պիտի նշել նաեւ ներկուսակցական տարաձայնութիւնները: Կառավարութեան հաստատութիւնների մէջ ընդգրկուած դաշնակցական ղեկավարների եւ, մանաւանդ, Քաջագնունու շեշտուած ճիգը իշխանութեան հեղինակութիւնը բարձրացնելու եւ այն կուսակցական հարցերից ու գործունէործիւնից վերադասելու, անհամաձայնութիւնների ու անհատական լարուածութեան, նոյնիսկ թշնամութեան պատճառ դարձաւ: Ռուբէն Տէր Մինասեանի եւ իր համախոհների կարծիքով, այդ յեղափոխական ժամանակներում կառավարութիւնը պիտի գործէր Բիւրօյի թելադրանքով՝ որպէս միակ միջոց երկիրը ներկայ ողբալի ճգնաժամից դուրս բերելու համար: Միւս բեւեռում, Ալեքսանդր Խատիսեան, Սիմոն Վրացեան եւ համախոհներ, փորձում էին ամրագրել կուսակցութիւն-պետութիւն բաժանումը՝ չնմանուելու համար բոլշեւիկեան օրինակին:

Բոլշեւիկեան ապստամբութիւնը եկաւ նժարը թեքելու դէպի երկրի կառավարման Բիւրօյի անմիջական միջամտութիւն: Կազմուեց Բիւրօ-կառավարութիւն:

Կասեցուեց կուսակցութիւն-կառավարութիւն անջատումը: Բիւրօն շարունակեց ինքն իրեն վեր դասել կառավարութիւնից եւ իր գաղափարներն ու կարծիքը պարտադրել:

28. Նոյն տեղում, փաստաթուղթ 90, էջ 105:

Նոյն ծիրում, Բիւրօն չափսի արտօնէր ֆիդայական խմբերին այսպէս կոչուած մաուզերիստներին, առօրեայի դատական, կարգապահական խնդիրները պատկան կառոյցներին թողնելու փոխարէն իրենց ձեռքն առնելու: Ձէնքի ազատ գործածութիւնը հանրապետութեան մէջ ի սկզբանէ արգելակել էր օրէնքի գերակայութիւնը եւ քաղաքացիների ապահովութիւնը: Արեւմտահայ ֆիդայական խմբերը մերժում էին զէնքը ցած դնել: Դեռ անկախութեան առաջին ամիսներին Արամ Մանուկեանը, որպէս ներքին գործերի մինիստր, քաղաքացիութեան զինաթափման առաջարկ էր ներկայացրել պառլամենտին, որ բուռն վիճաբանութեան առիթ էր ստեղծել ու հակա-դաշնակցական կրքեր դրսեւորել: Այն կուսակցութիւնները, որոնք Դաշնակցութեան վարած ազատագրական պայքարի ամբողջ ընթացքում մեղադրել էին ժողովրդին զէնք բաժանելու մէջ, այժմ դէմ էին գնում զինաթափման: Կիսուած էր նաեւ դաշնակցական կարծիքը: Եւ իրողութեան մէջ երբեք հնարաւոր չեղաւ «զինաթափումը» լիովին իրագործել:

Հայաստանի անկախ պետականութեան կարճ կեանքում ամենից մեծ, ամենից վտանգաւոր եւ մահաբեր խոչընդոտող հայ բոլշեւիկների գործունէութիւնն էր, որ թոյլատրուեց Հայաստանում: Կառավարութիւնը այն ժամանակ միայն հակազդեց, երբ բոլշեւիկ շարժումը արմատ էր նետել դժգոհ հասարակութեան մէջ:

Դեռ սկզբից, երբ ռուս-թրքական ճակատը եւ թրքահայութեան ճակատագիրը անտարբերութեան էր մատնւում եւ հայ կամաւորական խմբերը կազմալուծման էին ենթարկւում, երբ հայ մտաւորականութիւնը մտահոգուած Պետերգրուդում համագումար էր կազմակերպւում, «ձախ» սոցիալ-դեմոկրատները, որոնք յետոյ բոլշեւիկներ կոչուեցին, ընդդիմադիր էին խաղում եւ համագումարը խանգարելով, իրենց յանգերգն էին կրկնում, ու պայքար «էմպէրիալիստական-նուաճողական արշաւանքներու դէմ», պատերազմի դադարեցում «առանց հողային կցումներու ու պատերազմական տու-

գանքի» գոչում:²⁹ Նոյն ընդդիմութիւնը գործում էր նաեւ 1917-ի սեպտեմբերին Թիֆլիսում կազմուած Ազգային Համագումարում «նեղ ազգայնականների», այսինքն՝ Դաշնակցութեան եւ Պետերգրորգի ժամանակաւոր կառավարութեան դէմ: Ու երբ հարց առաջացաւ Թրքահայաստանի պաշտպանութեան համար հայկական զօրամաս կազմել, ինչպէս Վահան Փափագեանն է գրում, «Նորընծայ համայնավարներ յանձին Գուրգէն Հայկունիի ...ամբոխը կը գրգռէին՝ յորդորելով չը մասնակցիլ հայկական բանակին, որը ըստ իրենց էմպերիալիստներու գործիքը պիտի դառնար»:³⁰

Հայ բոլշեւիկների 1918-1920 թուականների կործանիչ գործունէութեան մասին չափտի անդրադառնամ: Դա իմ ականդեմական գործունէութեան մի մասնիկն է «Հայաստանը ՀՅԴ-Բոլշեւիկ Յարաբերութիւնների Ոլորտում, 1917-1921» մենագրութեան եւ յետագայ յօդուածների մէջ պարփակուած: Իմ կարծիքով, «Բոլշեւիկները ազգութիւնների եւ Մանաւանդ. փոքր ազգութիւնների իրաւունքները շահատակող, արդարութեան գերեզման էր միայն: Քաղաքական, դիւանագիտական որեւէ միջոցառում հնարաւորութիւն պիտի չունենար Հայաստանի անկախութիւնը փրկելու բոլշեւիկեան ամբողջատիրական ծրագիրների եւ փանթուրանական ձգտումների, մանաւանդ այդ՝ երկու հզօր գաղափարաբանութիւնների ժամանակաւոր զօրակցութեան առջեւ»:³¹

Միայն աւելացնեմ, որ հակառակ այն պնդումներին, թէ՛ եթէ Բիւրօ-կառավարութիւնը բոլշեւիկների ձայնը խեղտելու փոխարէն հենց մայիս ամսին ընդունէր խորհրդային կարգերի հաստատումը Հայաստանում, Հայաստանը իր այդ օրուայ տարածքով կը միանար խորհրդային Ռուսաստանին եւ չէր

29. Փափագեան, «Իմ Յուշերը», էջ 448:

30. Նոյն տեղում, էջ 452:

31. Փիրումեան Ռուբինա, «Հայաստանը ՀՅԴ-Բոլշեւիկ Յարաբերութիւնների Ոլորտում, 1917-1921» (Երեւան, Երեւանի համալսարանի հրատարակութիւն, 1997), էջ 375-376:

մասնատուի: Այդ օրերի իրարայնաջորդ դեպքերը, սակայն, ցոյց են տալիս, որ Կարմիր Բանակը հակառակ հայ բոլշեիկների շարունակական դիմումներին չմտաւ Հայաստան: Թուրք-ռուսական գաղտնի համաձայնութիւնը այլ նպատակներ էր հետապնդում եւ արդէն նախատեսել էր տարածքային զիջումներ Թուրքիային եւ խորհրդայնացած Ադրբեջանին: Այդպիսով, Ռուսաստանը իր դիրքը Կովկասում ամրապնդելով կը տիրէր նաեւ Հայաստանին, կարելոր չէ, թէ մասնատուած, երբ թուրք-ռուսական ծրագիրը իրացուած լինէր. իսկ հայ բոլշեիկները այդ դաւադրութիւնը կոյր գործիքն էին:

Եւ այս յօդուածը աւարտելու համար՝

1920-ի սկիզբներին, կարելի է ասել, որ Հայաստանի պետականութիւնը արդէն ամուր եւ ապահով դիրքերի մէջ էր գտնուում: Ձգալի յառաջդիմութիւն կար, մեծ էին քայլերը վերացնելու խոչընդոտները: Յաղթահարուած էին սովն ու համաճարակ հիւանդութիւնները: Երկրի վարչական մեքենան ինչպէս եւ բանակը անհամեմատ աւելի կազմակերպուած էր: Ի գործ էր դրուած տեղական ինքնակառավարման ծրագիրը (*գեմստւօ*): Պետական ենթակառոցները ներթափանցել էին ամենուրեք: Անկախ Հայաստանի Դաշնակիցների դեֆաքտօ ճանաչումը աւելացրել էր կառավարութեան վարկը թէ՛ ներսում եւ թէ՛ համաշխարհային յարաբերութիւնների ոլորտում, որով եւ «մօտեցնելով ազգային նպատակների իրագործումը», ինչպէս գրում է Խատիսեանը Ահարոնեանին յղած իր փետրուար 6, 1920 թուակիր նամակում:³² Չանգեզուրը, հակառակ Ադրբեջանի նկրտումների, Հայաստանի կազմում էր գտնուում: Դաշնակիցների հայանպաստ որոշումը եւ Հայաստանի սահմանների վերջնականացումը ժամանակի հարց էր համարում: Պետականաշինութիւնը աւարտուած էր. պետական մտածողութիւնը լայն արմատականա-

32. Յովհաննիսեան Ռիչըրդ, The Republic of Armenia, Volume II, 1919-1920, Berkeley, Los Angeles, and London, University of California Press, 1982, էջ 529-530:

ցում էր ձեռք բերել ղեկավարության մէջ ներսում եւ դրսում: Հայ ժողովուրդը, որին Նիկոլ Աղբալեանը անցեալի «մի անկերպարան զանգուած» էր պիտակել, ըստ հենց իր արժեւորման, «իր քաղաքական կերպարանաւորման շրջանի մէջ» էր:³³ Ազգային նպատակներն ու իրագործման տեսլականը դրոշմուել էր նրանց մտահորիզոնի վրայ: Հայկական հարցը, Հայ Ղատը իր լուծումին էր մօտենում: Ո՞վ կարող էր նախատեսել, որ Ամերիկան պիտի մերժէր Հայաստանին հովանաւորել, Ղաշնակիցները պիտի դանդաղէին ու աշխարհաքաղաքական դասաւորումների մէջ նոր գործընկեր ղաշնակիցներ փնտրէին, Ազգային Թուրքիան գլուխ պիտի բարձրացներ եւ իր բանակը դէպի արեւելեան սահմանները շարժէր՝ երիտթուրքերի անկատար երազը իրականութիւն դարձնելու, բուշեյիկ Ռուսաստանը իր ներքին հարցերը լուծած դէպի Կովկաս պիտի իջներ եւ քեմալական Թուրքիայի հետ Կովկասը կիսելու համաձայնութիւններ կնքէր, իսկ հայ կոչուած բուշեյիկների ձեռամբ պիտի իջներ վերջին հարուածը՝ հայոց ազգային պետականութեանը ու եօթնասուն տարիների ապագային քաղաքականութեամբ թմրեցներ հայ մարդու ազատատենչ ոգին ու պահէր միշտ կախեալ:

Յաւուտ իրողութիւն է, որ 1918-ին, դարերի ստրկութիւնից յետոյ, բայց մտաւորական, քաղաքական, յեղափոխական մեծ փորձով, նոյնիսկ կիսով չափ կոտորուած հայ ազգային ղեկավարութիւնը աւելի պատրաստ, աւելի ատակ էր հիմը դնելու ազգային անկախ պետականութեան, քան 1991-ին երբ բթացել էր մեր ազատ մտածելու եւ առանց օտար տէրերի թելադրանքների որոշումներ կայացնելու, եւ մանաւանդ՝ ազգային շահերը անձնական շահերից վեր դասելու ունակութիւնը: Ինչ որ նոյնն էր մնացել, դա հայ ժողովրդի հատուածականութիւնն էր, որ առաջին հանրապետութեան օրօք դրսեւորուեց արեւելահայ-արեւմտահայ ճեղքուածութեամբ, իսկ երկրորդ հանրապետութեան օրօք՝ հայաստանահայ-սփոյնքահայ անհանդուրժողութեամբ:

33. Մէջբերուած է ՀՅԴ 9-րդ Ընդհանուր ժողովին Նիկոլ Աղբալեանի բացման խօսքից: Տե՛ս «Յառաջ», Երեւան, 2, 4 հոկտեմբեր 1919, Ա. տարի, թիւ 10, 12:

Քանալի բառեր՝ զարթոնք, քաղաքական, պետական, ազգային անկախություն, ինքնավարություն, Թրքահայաստան, Ռուսահայաստան, ՀՀ Ղազնակցություն, պետականաշինություն, ժողովրդավարություն

РЕЗЮМЕ

Рубина Пирумян

Доктор филологических наук

ПОСЛЕДНИЙ ПОЛЕТ АРМЯНСКОЙ ПОЛИТИЧЕСКОЙ МЫСЛИ, ПОПЫТКА ПЕРЕХОДА ОТ НАЦИОНАЛЬНОГО К ГОСУДАРСТВЕННОМУ МЫШЛЕНИЮ

1918-1920 гг.

Национально-политическое пробуждение армян в XIX веке стало отправной точкой для достижения политических целей, формирования Армянского вопроса и требований, возникающих в связи с этим в различных направлениях, стало идеологией, мирной и вооруженной освободительной борьбой.

Огромный прорыв в парадигма развития истории армянского народа произошел в годы Первой мировой войны, под завесой которой был осуществлен Геноцид армян. И в Османской, и в Царской империях произошли перевороты. В этот переломный момент представители армянской интеллигенции и политические деятели Запдноармянского бюро и Национального совета попытались встать во главе руководства армянским народом,

Բանալի բառեր՝ զարթոնք, քաղաքական, պետական, ազգային անկախություն, ինքնավարություն, Թրքահայաստան, Ռուսահայաստան, ՀՀ Դաշնակցություն, պետականաշինություն, ժողովրդավարություն

РЕЗЮМЕ

Рубина Пирумян

Доктор филологических наук

ПОСЛЕДНИЙ ПОЛЕТ АРМЯНСКОЙ ПОЛИТИЧЕСКОЙ МЫСЛИ, ПОПЫТКА ПЕРЕХОДА ОТ НАЦИОНАЛЬНОГО К ГОСУДАРСТВЕННОМУ МЫШЛЕНИЮ

1918-1920 гг.

Национально-политическое пробуждение армян в XIX веке стало отправной точкой для достижения политических целей, формирования Армянского вопроса и требований, возникающих в связи с этим в различных направлениях, стало идеологией, мирной и вооруженной освободительной борьбой.

Огромный прорыв в парадигма развития истории армянского народа произошел в годы Первой мировой войны, под завесой которой был осуществлен Геноцид армян. И в Османской, и в Царской империях произошли перевороты. В этот переломный момент представители армянской интеллигенции и политические деятели Западноармянского бюро и Национального совета попытались встать во главе руководства армянским народом,

преследуя цель добиться независимости Западной Армении и автономии Российской Армении. Это была первая попытка перехода от национально-политического мышления к государственному.

Независимость Грузии и роспуск Сейма стали неожиданностью, что проявилось в осторожном объявлении о независимости Армении. Тем не менее после первых неудач политическое руководство Армении воспользовалось этой возможностью, и произошел большой скачок в развитии армянской политической мысли в направлении независимой государственности. Брошенный вызов выявил полярные различия в подходах и действиях и привел к большому влиянию партии Дашнакцутюн на недолгую жизнь Республики Армения.

Началось построение государства. Это заключалось в служении интересам народа, создании национальной армии, определении и закреплении границ страны, ее роли и положении в большой мировой семье, в создании независимой судебной системы, сети самоуправления, обеспечении возможности культурного творчества, развитии системы образования и языка. Сменявшие друг друга правительства пытались реализовать эти принципы демократического государства. В этом процессе были и достижения, и провалы. Существовало множество внутренних и внешних препятствий, самым губительным из которых было тайное соглашение между Турцией и большевистской Россией о вторжении на территорию Республики Армения, а также разрушительная деятельность армянских большевиков, изначально отвергавших независимость Армении.

Ключевые слова: пробуждение, политическое мышление, государственное мышление, национальная независимость, автономия, Турецкая Армения, Российская Армения, Дашнакцутюн, построение государства, демократия.

SUMMARY

Rubina Peroomian

Doctor of Middle Eastern Languages and Cultures

THE LAST EFFORT TO TRANSCEND THE LIMITS OF ARMENIAN POLITICAL THOUGHT AND THINK OF STATEHOOD, 1918-1920

The 19th century Armenian national and political awakening gave birth to political goals and demands which progressed in various directions, to become a creed to bring about the Armenian liberation movement peaceful and armed.

The Armenian Genocide under the cover of WWI caused a huge paradigm shift in Armenian history. Political upheavals shook the Ottoman and Russian empires. During these daunting times, Armenian intelligentsia and political activists tried to lead the Armenian life pursuing independence for Western Armenia and autonomy for Russian Armenia through the structures of Western-Armenian Bureau, The Armenian National Council, and the ruling circles of Transcaucasia. Their efforts were the first sparks to transcend the limits of political thought and to think of statehood.

The declaration of Georgian independence and the dissolution of Seim took Armenians by surprise, and that is well reflected in the cautious wording in the Armenian declaration of independence. After the initial confusion, Armenian lea-

ders grabbed the opportunity and that was the final upsurge in political thought toward independent statehood. The many existing challenges manifested polarities in approaches and tactics ensuing the powerful influence of Dashnaktsutiun (Armenian Revolutionary Federation) in the short life of the First Republic of Armenia.

The state building began serving the interests of the people, creating a national army, defining the borders of the republic and securing its place among the nations, creating an independent judicial system and a self-governing network, ensuring people's cultural creativity and the development of the educational system and language. These were the principal domains of democratic statehood the consecutive governments tried to achieve. There were successes and failures.

Many internal and external obstacles existed along the way, the deadliest of which was the secret agreements between Nationalist Turkey and Bolshevik Russia to run over the Republic of Armenia and the destructive conspiracy of Armenian Bolsheviks who from the beginning rejected the idea of Armenia's independence.

Keywords: *Renaissance, political thought, state thought, national independence, autonomy, Turkish Armenia, Russian Armenia, Armenian Revolutionary Federation, state building, democracy*